

AWDURDOD TÂN AC ACHUB GOGLEDD CYMRU

Cofnodion cyfarfod **Awdurdod Tân ac Achub Gogledd Cymru** a gynhaliwyd **Dydd Llun 19 Ionawr 2026** yn rhithwir trwy **Teams**. Dechreuodd y cyfarfod am **09.00**.

Cynghorydd

Dylan Rees (Cadeirydd)
Mark Young (Dirprwy Gadeirydd)
Bryan Apsley
Tina Claydon
Paul Cunningham
Ann Davies
Chrissy Gee
Ian Hodge
Chris Hughes
John Brynmor Hughes
(gadawodd am 09:48)
Gareth R Jones
John Ifan Jones (gadawodd am 09:53)
Charlie McCoubrey
Gwynfor Owen (gadawodd am 09:47)
Beverley Parry-Jones
Arwyn Herald Roberts
Rondo Roberts
Gareth Sandilands
Dale Selvester
Gareth Williams
Antony Wren

Yn cynrychioli

Cyngor Sir Ynys Môn
Cyngor Sir Ddinbych
Cyngor Bwrdeistref Sirol Wrecsam
Cyngor Sir y Fflint
Cyngor Sir y Fflint
Cyngor Sir Ddinbych
Cyngor Sir y Fflint
Cyngor Sir y Fflint
Cyngor Bwrdeistref Sirol Conwy
Cyngor Gwynedd

Cyngor Bwrdeistref Sirol Conwy
Cyngor Sir Ynys Môn
Cyngor Bwrdeistref Sirol Conwy
Cyngor Gwynedd
Cyngor Bwrdeistref Sirol Wrecsam
Cyngor Gwynedd
Cyngor Bwrdeistref Sirol Wrecsam
Cyngor Sir Ddinbych
Cyngor Sir y Fflint
Cyngor Gwynedd
Cyngor Sir y Fflint

Hefyd yn bresennol:

Dawn Docx	Prif Swyddog Tân (PST)
Helen MacArthur	Prif Swyddog Tân Cynorthwyol (PSTC)
Justin Evans	Prif Swyddog Tân Cynorthwyol (PSTC)
Anthony Jones	Prif Swyddog Tân Cynorthwyol (PSTC)
Dafydd Edwards	Trysorydd
Gareth Owens	Clerc a Swyddog Monitro
Matt Powell	Dirprwy Glerc a Swyddog Monitro
Elgan Roberts	Pennaeth Cyllid a Chaffael
Steve Morris	Pennaeth TGCh
Llinos Evans	Pennaeth Cyfathrebu Corfforaethol
Lee Bourne	Rheolwr Ardal Hyfforddiant a Datblygu
Elin Hughes	Hyrwyddwr Diwylliant
Tom Weston	Hyrwyddwr Diwylliant
Tim Owen	Rheolwr Trawsnewid y Gwasanaeth
Heledd Davies	Gwasanaethau Cyfieithu Atebol
Lisa Allington	Gwasanaethau Aelodau

Dechreuodd y cyfarfod am 09:00 gyda sesiwn hyfforddi ynghylch tanau gwyllt.

1 YMDDIHEURIADAU

Cynghorydd

Carol Beard
Alan Hughes
Austin Roberts
Gareth A Roberts
Paul Rogers

Yn cynrychioli

Cyngor Bwrdeistref Sirol Conwy
Cyngor Sir Ddinbych
Cyngor Bwrdeistref Sirol Conwy
Cyngor Gwynedd
Cyngor Bwrdeistref Sirol Wrecsam

YN ABSENNOL

Cynghorydd

Jeff Evans
Marc Jones

Yn cynrychioli

Cyngor Sir Ynys Môn
Cyngor Bwrdeistref Sirol Wrecsam

Cynigiwyd a derbyniwyd yr ymddiheuriadau uchod.

2 DATGANIADAU O FUDDIANT

2.1. Nid oedd datganiadau o fuddiant i'w cofnodi.

3 HYSBYSIAD O FATERION BRYD

3.1 Nid oedd unrhyw hysbysiadau o faterion bryd.

4 COFNODION CYFARFOD AWDURDOD TÂN AC ACHUB GOGLEDD CYMRU A GYNHALIWDYD AR 20 HYDREF 2025

4.1 Cyflwynwyd cofnodion cyfarfod Awdurdod Tân ac Achub Gogledd Cymru (yr Awdurdod) a gynhaliwyd ar 20 Hydref 2025 i'w cymeradwyo.

4.2 Rhoddodd y Cadeirydd wybod i'r Aelodau fod Dirprwy Gadeirydd y Pwyllgor Archwilio bellach wedi'i benodi, y Cynghorydd Tina Claydon. Roedd Hyrwyddwr Cydraddoldeb, Amrywiaeth a Chynhwysiant newydd hefyd wedi'i benodi, y Cynghorydd Arwyn Roberts.

4.3 Yn dilyn yr ymgynghoriad diweddar ar yr adolygiad o lywodraethiant awdurdodau tân ac achub yng Nghymru, roedd Ysgrifennydd y Cabinet bellach wedi cynnig y byddai awdurdodau tân ac achub yn y dyfodol yn cynnwys un aelod o bob awdurdod lleol, gyda thraean o'r aelodaeth yn cynnwys aelodau annibynnol. Byddai hyn yn gofyn am newidiadau i ddeddfwriaeth eilaidd yr oedd gan y Senedd 40 diwrnod i'w phasio. Nid oedd yn hysbys a fyddai hyn yn cael ei basio cyn yr etholiadau a oedd i'w cynnal yn 2026.

4.4 PENDERFYNWYD:

i) **cymeradwyo cofnodion ATA o 20 Hydref 2025 fel cofnod gwir a chywir o'r cyfarfod a gynhaliwyd.**

5 ADRODDIAD Y CADEIRYDD

- 5.1 Nodwyd bod papur ysgrifenedig wedi'i roi i'r Aelodau i roi gwybod iddynt am y cyfarfodydd a'r digwyddiadau y bu Cadeirydd a Dirprwy Gadeirydd yr Awdurdod ynddynt yn eu capasiti swyddogol rhwng Hydref a Rhagfyr 2025.
- 5.2 Diolchodd y Cadeirydd i'r Dirprwy Gadeirydd, y Cynghorydd Mark Young, am ei waith tra roedd y Cadeirydd i ffwrdd. Nodwyd bod y Dirprwy Gadeirydd wedi ymweld â'r Ystafell Reoli a chriw y Rhyl ar Ddydd Nadolig a oedd wedi'i hepgor o'r adroddiad.

5.3 PENDERFYNWYD:

- i) Nodi'r wybodaeth a roddwyd yn y papur.**

6 AROLWG TEULU TÂN AC ADRODDIAD DIWEDDARIAD HYRWYDDWYR DIWYLLIANNOL

- 6.1 Crynhodd y PST Docx gynnwys yr Arolwg Teulu Tân ac Adroddiad Diweddarau Hyrwyddwyr Diwylliantol. Rhoddodd y papur hwn y wybodaeth ddiweddaraf am ganlyniadau Arolwg Staff Teulu Tân, ynghyd â throsolwg o weithgarwch a ffrydiau gwaith diweddar dan arweiniad yr Hyrwyddwyr Diwylliant.
- 6.2 Nododd y Cadeirydd fod cyfradd ymateb o 68% ar gyfer yr Arolwg Staff Teulu Tân yn galonogol.
- 6.3 Diolchodd Aelod i'r Hyrwyddwyr Diwylliant am eu cyfraniadau hyd yma. Gofynnwyd beth oedd y weledigaeth hirdymor mewn perthynas â diwylliant Gwasanaeth Tân ac Achub Gogledd Cymru (y Gwasanaeth) ac ymatebodd y PST fod strwythurau'n cael eu rhoi ar waith i sicrhau bod materion a godwyd yn flaenorol a materion newydd yn cael eu trin mewn modd adeiladol.

6.4 PENDERFYNWYD:

- i) Nodi canfyddiadau cychwynol yr Arolwg Staff Teulu Tân, gan gydnabod y cynnydd cadarnhaol a wnaed a'r meysydd allweddol sydd angen ffocws pellach, a chefnogi'r camau nesaf; a**
- ii) Nodi'r rhaglen welliannau sy'n mynd rhagddi a chefnogi'r camau nesaf a amlinellir yn yr adroddiad hwn gan yr hyrwyddwyr diwylliant.**

7 ADOLYGIAD O'R DDARPARIAETH FRYS

- 7.1 Cyflwynodd y PSTC Anthony Jones bapur yr Adolygiad o'r Ddarpariaeth Frys a roddodd ddiweddariad i Aelodau'r Awdurdod ar waith y gweithgor Adolygiad o'r Ddarpariaeth Frys (ECR) a sefydlwyd mewn ymateb i'r argymhelliad o gyfarfod 20 Ionawr 2025 i swyddogion barhau i ddyfeisio a phrofi datrysiadau amgen gyda chyrrff cynrychioladol, o fewn y gyllideb y cytunwyd arni, er mwyn mynd i'r afael â darpariaeth frys mewn lleoliadau gwledig.

7.2 Nododd y PST fod y cyflwyniad cynharach ar danau gwyllt wedi dangos pa mor hanfodol oedd bod gan y Gwasanaeth injan dân ar gael mewn ardaloedd gwledig. Diolchodd yr aelodau i swyddogion am eu gwaith caled yn y maes hwn.

7.3 PENDERFYNWYD:

- i) **Nodi bod swyddogion wedi parhau i weithio gyda chyrrff cynrychioliadol mewn partneriaeth gymdeithasol i ddatblygu ffordd ymlaen gyda'r Adolygiad o'r Ddarpariaeth Frys;**
- ii) **Nodi bod y cydgytundeb peilot a lofnodwyd gan y PST ac Undeb y Brigadau Tân bellach ar waith yn llawn o 1 Ionawr 2026; a**
- iii) **Nodi bod y cydgytundeb yn cael ei fonitro a'i adolygu'n barhaus, a bydd data pellach yn cael ei gyflwyno ynglŷn â'i berfformiad.**

8 PENNU CYLLIDEB 2026/27

8.1 Cyflwynodd Elgan Roberts bapur Gosod Cyllideb 2026/27 a roddodd yr asesiad cynllunio ariannol i'r Aelodau er mwyn gosod cyllideb gytbwys ar gyfer 2026/27 a gofynnodd am gymeradwyaeth i gyfathrebu'r ardoll derfynol y cytunwyd arni i awdurdodau lleol cyfansoddol.

8.2 Diolchwyd i aelodau'r Gweithgor Craffu ar y Gyllideb am eu gwaith caled yn cefnogi'r tîm cyllid i roi'r gyllideb hon at ei gilydd.

8.3 Gofynnodd Aelod beth oedd y cynllun i sicrhau bod y defnydd o gronfeydd wrth gefn yn cael ei gadw i'r lleiaf posibl, ac atebodd Elgan mai dim ond ar gyfer gwariant untro y defnyddir y cronfeydd wrth gefn.

8.4 Diolchodd y Trysorydd i'r Tîm Cyllid am y gwaith caled a aeth i gynhyrchu'r gyllideb, nododd fod y gyllideb a gyflwynwyd yn briodol ac awgrymodd ei chymeradwyo.

8.5 PENDERFYNWYD:

- i) **Cymeradwyo canfyddiadau'r Gweithgor Craffu ar y Gyllideb, gan gynnwys y rhagdybiaethau cynllunio sy'n cael eu defnyddio i ddatblygu'r gyllideb refeniw ar gyfer 2026/27;**
- ii) **Cymeradwyo'r asesiad cynllunio ariannol cyfredol o ofyniad cyllideb refeniw o £54.375m a chyllideb gyfalaf o £6.661m ar gyfer 2026/27;**
- iii) **Cymeradwyo'r cynnig i ddefnyddio £0.271m o gronfeydd wrth gefn ar gyfer 2026/27; a**
- iv) **Cymeradwyo cyfathrebu'r ardoll ariannol derfynol o 54.104m gan yr awdurdodau lleol cyfansoddol.**

9 ADRODDIAD DIWEDDARU RHEOLI'R TRYSORLYS CH2 2025/26

9.1 Cyflwynodd y Trysorydd Adroddiad Rheoli'r Trysorlys Ch2 2025/26, a'i bwrpas oedd rhoi'r wybodaeth ddiweddaraf i Aelodau'r Awdurdod ar weithgarwch rheoli trysorlys a chydymffurfiaeth â'r dangosyddion darbodus rheoli trysorlys ar gyfer y cyfnod 1 Mehefin 2025 i 30 Medi 2025.

9.2 PENDERFYNWYD:

i) Nodi'r gweithgarwch rheoli trysorlys a'r dangosyddion darbodus ar gyfer y cyfnod rhwng 1 Mehefin 2025 a 30 Medi 2025.

10 ACHOS BUSNES AMLINELLOL CANOLFAN HYFFORDDI HWB AWEN

10.1 Cyflwynodd y PSTC Evans Achos Busnes Amlinellol Canolfan Hyfforddi Hwb Awen i'r Aelodau a gofynnodd am gymeradwyaeth i symud ymlaen i'r cam datblygu nesaf, a fyddai'n canolbwyntio ar sicrhau cyllid a phenderfynu ar fforddiadwyedd.

10.2 Diolchodd y Cadeirydd i'r PSTC Evans am gynnal sesiynau gwybodaeth i sicrhau bod yr Aelodau'n cael y wybodaeth yn llawn. Roeddent wedi bod yn fuddiol.

10.3 Roedd sawl Aelod yn teimlo bod y datblygiad hwn yn hanfodol ac fe wnaethant annog y rhai a oedd yn bresennol i gymeradwyo'r datblygiadiadau fel yr amlinellwyd yn yr argymhellion.

10.4 Dywedodd Hyrwyddwr Aelodau Hwb Awen fod hwn yn gyfle anhygoel ar gyfer buddsoddiad hirdymor yng Ngogledd Cymru ac anogodd yr Aelodau i gefnogi ac annog y datblygiad hwn wrth symud ymlaen.

10.5 PENDERFYNWYD:

- i) Nodi cynnwys yr Achos Busnes Amlinellol;**
- ii) Cymeradwyo symud i ddatblygu Achos Busnes Llawn; a**
- iii) Cefnogi ymgysylltiad parhaus â Llywodraeth Cymru i sicrhau ariannu cyfalaf.**

11 ADRODDIAD BWLCH CYFLOG RHWNG Y RHYWIAU 2024/25

11.1 Cyflwynodd y PSTC Evans Adroddiad Bwlch Cyflog rhwng y Rhywiau 2024/25 a roddai gipolwg ar ddata cyflog ar 31 Mawrth 2025, yn unol â Rheoliadau Deddf Cydraddoldeb 2010 (Dyletswyddau Penodol ac Awdurdodau Cyhoeddus) 2017. Dangosodd yr adroddiad gynnydd parhaus o ran lleihau'r bwlch cyflog rhwng y rhywiau ar draws y Gwasanaeth.

- 11.2 Gofynnodd Aelod sut oedd yr ystadegau ynghylch cynrychiolaeth fenywod ar 22% yn cymharu ag awdurdodau tân ac achub eraill, ac ymatebodd y PSTC Evans, er nad oedd ganddo'r ffigurau hynny wrth law, bod y Gwasanaeth yn cymharu'n dda ag eraill. Cytunwyd y byddai'r data'n cael ei gasglu a'i drosglwyddo i'r Aelodau.
- 11.3 Cadarnhaodd y PST fod y Gwasanaeth yn un o'r gwasanaethau uwch eu perfformiad mewn perthynas â'r bwlch cyflog rhwng y rhywiau, ond bod gwaith i'w wneud o hyd yn y maes hwn.

11.4 PENDERFYNWYD:

- i) Cymeradwyo cyhoeddi Adroddiad Bwlch Cyflog rhwng y Rhywiau 2024/25 ar wefan y Gwasanaeth, fel sy'n ofynnol gan ddeddfwriaeth.**

12 ADRODDIAD ASESIAD O GYDRADDOLDEB, AMRYWIAETH A CHYNHWYSIANT BLYNYDDOL 2024/25

- 12.1 Cyflwynodd y PSTC Evans Adroddiad Asesu Perfformiad Cydraddoldeb, Amrywiaeth a Chynhwysiant (EDI) Blynyddol 2024/25 a roddodd drosolwg o'r cynnydd yn erbyn Strategaeth pum mlynedd y Gwasanaeth. Dangosodd sut mae'r Gwasanaeth wedi parhau i ymgorffori cynhwysiant yn ei ddiwylliant sefydliadol, gwella amrywiaeth y gweithlu, a chynnig gwasanaethau cynhwysol i gymunedau.
- 12.2 Mae'r adroddiad hefyd yn tynnu sylw at waith partneriaeth a chamau a gymerwyd mewn ymateb i'r Adolygiad Diwylliant Annibynnol, gan atgyfnerthu ymrwymiad y Gwasanaeth i greu gweithle lle gall pawb ffynnu.
- 12.3 Gofynnodd Aelod a oedd gan swyddogion unrhyw syniadau ar sut i ymgorffori'r gwaith sy'n cael ei wneud, ac ymatebodd y PSTC Evans fod newidiadau sylweddol wedi bod mewn prosesau recriwtio ac ymgysylltu â'r cyhoedd sy'n dangos bod y Gwasanaeth wedi ymrwymo i gynnig cyfleoedd i bawb.

12.4 PENDERFYNWYD:

- i) Cymeradwyo cyhoeddi Adroddiad Cydraddoldeb, Amrywiaeth a Chynhwysiant Blynyddol 2024/25 ar wefan y Gwasanaeth.**

13 ALLDRO DROS DRO 2025-26

- 13.1 Cyflwynodd y PSTC MacArthur bapur Alldro Dros Dro 2025-26 a roddodd ddiweddariad i'r Aelodau ar y rhagolwg ar referniw a gwariant cyfalaf ar gyfer 2025/26, ar 30 Tachwedd 2025.
- 13.2 Nododd y Trysorydd fod sawl ffactor yn gysylltiedig â chynnal alldro cytbwys a diolchodd i swyddogion am y gwaith a wnaethpwyd yn y maes hwn.

13.3 Gofynnodd y Cadeirydd pam fod Heddlu Gogledd Cymru yn bilio mwy na chost chwyddiant mewn perthynas â'r Cytundeb Lefel Gwasanaeth ar gyfer y ddarpariaeth Cyfleusterau, ac a fyddai hynny'n parhau. Cadarnhaodd y PSTC MacArthur fod hwn yn ddigwyddiad untro sy'n ymwneud yn bennaf â dyfarniadau cyflog ac na fyddai'n parhau ymlaen i'r blynyddoedd i ddod.

13.4 PENDERFYNWYD:

- i) Nodi'r sefyllfa alldro refeniw a ragwelir a'r llithriad cyfalaf a ragwelir ar gyfer blwyddyn ariannol 2025/26, fel y manylir yn yr adroddiad;**
- ii) Nodi'r risgiau sy'n gysylltiedig â'r alldro dros dro a chydabod bod y ffigurau a ragwelir yn yr adroddiad hwn yn ddarbodus; a**
- iii) Nodi'r symudiad arfaethedig o £0.548m i gronfeydd wrth gefn ar gyfer ad-daliad Cynllun Pensiwn Llywodraeth Leol**

14 MATERION BRYN

14.1 Nid oedd unrhyw faterion bryn i'w hystyried.

Diolchwyd i'r Aelodau a'r Swyddogion am eu cyfraniad.

Daeth y cyfarfod i ben: 10:45